


Kemajuan pendidikan pererat integrasi kaum

BERIKUT adalah teks penuh ucapan Perdana Menteri, Datuk Seri Abdullah Ahmad Badawi, bertajuk 'Penyuburan Semula Pendidikan: Menyediakan Malaysia Bagi Menghadapi Realiti Abad Ke-21' pada Sidang Kemuncak Pendidikan Malaysia 2004 di Petaling Jaya, semalam.



"Jika kita serius untuk berdaya saing dan jika kita benar-benar mahu keamanan serta masyarakat yang stabil, kita bukan saja mesti berusaha untuk meningkatkan kualiti penyampaian pendidikan di sekolah, tetapi juga meningkatkan tahap integrasi nasional."

ALHAMDULILLAH, saya bersyukur ke hadrat Allah swt kerana dengan limpah dan kurnianya, dapat kita berhimpun di pertemuan minda yang penting ini. Terlebih dulu saya ingin merakamkan penghargaan kepada Institut Kepimpinan dan Strategi Asia (ASLI), selaku penganjur majlis kerana telah berusaha mengatur satu program yang begitu menarik dan cukup bermakna.

Sesungguhnya, isu pendidikan amat penting bagi kejayaan negara pada masa depan, sama ada dari segi pembangunan ekonomi mahupun perpaduan dan keharmonian rakyat.

Kita berhimpun hari ini untuk berbincang, berdebat dan menyarankan langkah meningkatkan perkara yang sememangnya dekat dengan hati semua rakyat Malaysia iaitu pendidikan.

Di kalangan kita yang mempunyai anak, pendidikan melambangkan sesuatu yang dapat membina pengetahuan mereka, sikap dan potensi untuk berjaya dalam kehidupan. Kepada semua rakyat Malaysia, pendidikan mencerminkan sesuatu penentuan kepada kedudukan negara yang lebih tinggi dan kesejahteraannya.

Justeru, apabila kita bertanya pada diri kita sendiri mengenai sistem pendidikan yang kita inginkan, kita sebenarnya mempersoalkan apa yang kita inginkan daripada generasi muda kita apa yang kita mahukan untuk negara kita.

Secara ringkas, apabila kita berfikir mengenai pendidikan, kita sememangnya menaruh harapan untuk masa depan. Dalam era abad ke-21, masa depan dilihat sebagai sesuatu yang pantas berubah dan penuh dengan persaingan. Masa depan seolah-olah terlalu hampir, malah kian mendekati kita biarpun ketika berbincang mengenainya.

Kita tahu, inilah masanya bagi ekonomi pengetahuan, satu waktu di mana dunia menjadi semakin kecil dan lebih berkait, satu zaman yang penuh dengan cabaran dan transformasi.

Sebagai sebuah negara membangun yang bersaing pada abad ke-21, kita merasai tekanan dan permintaan abad ini lebih daripada orang lain. Ketika negara lain mengejar atau memotong kita di dalam rangkaian tambah nilai global (global value chain), kita akui akan keperluan segera untuk melakukan anjakan besar menuju ke peringkat pembangunan seterusnya.

Anjakan ini tidak akan tercapai hanya dengan meningkatkan infrastruktur atau melalui sumber tenaga murah. Anjakan ini memerlukan



"Sebagai permulaan, kita perlu melakukan perubahan penting dan meningkatkan langkah bagi menjadikan sekolah kebangsaan sebagai sebuah 'sekolah pilihan', dengan memelihara kedudukan sekolah jenis kebangsaan hari ini"

kan satu peningkatan kukuh dalam kesanggupan kita untuk tambah nilai dan inovasi. Anjakan ini juga memerlukan perkembangan dari segi keupayaan dan intelek manusia.

Sepanjang 47 tahun sebagai negara merdeka, pembangunan modal manusia tertumpu kepada penyediaan saluran kepada pendidikan. Bagi perkara ini, negara kita telah melaksanakannya dengan baik. Pendidikan terus menerima peruntukan bajet tertinggi, kira-kira 20 hingga 25 peratus perbelanjaan kerajaan dan 10,000 kelas dibina dalam setiap rancangan Malaysia.

Ini menyumbang kepada kadar pendaftaran yang agak tinggi, iaitu hampir 100 peratus pendaftaran bagi sekolah rendah, lebih 80 peratus pendaftaran sekolah menengah dan kira-kira 24 peratus pendaftaran peringkat tinggi. Jumlah mereka yang menghabiskan pendidikan menengah juga meningkat daripada 65 peratus pada 1988 kepada 80 peratus pada 2000.

Pastinya, banyak lagi yang perlu dibuat untuk menyediakan saluran pendidikan. Sebagai contoh, ada keperluan untuk terus menyediakan sekolah di kawasan luar bandar dan memastikan semua sekolah dilengkapi dengan kemudahan air, elektrik dan komputer.

Bagaimanapun, cabaran besar kita bukan saja terletak kepada usaha meningkatkan peluang pendidikan tetapi kualiti sistem pendidikan kita.

Membangunkan sistem pendidikan bertaraf dunia adalah agenda utama kerajaan saya. Satu daripada petanda kelemahan kita adalah jumlah tinggi bagi siswazah menganggur. Saya dimaklumkan bahawa kira-kira 20 peratus graduan menganggur.

Setiap minggu, kita melihat rencana dalam akhbar menjelaskan kepada kita mengapa pasaran pekerjaan tidak mahu mengambil mereka. Antara lain ialah kurang kemahiran berkomunikasi, kurang kemampuan berfikir, kurang bertenaga dan inisiatif.

Anggapan kelemahan yang wujud di kalangan graduan kita ini disokong dengan reputasi institusi pengajian tinggi kita. Dalam ukur rujuk *Asiaweek 2000* bagi kajian universiti di Asia, universiti berkedudukan tinggi Malaysia hanya berada pada tahap ke-47 daripada 77 universiti dalam kajian berkenaan. Bukan 'top 10', bukan juga 'top 20', malah tidak terletak pada separuh teratas.

Secara perbandingan, 'top 10' kajian berkenaan merangkumi universiti dari Jepun, Hong Kong, Australia, Korea dan Singapura.

Kita tahu bahawa sistem pendidikan kita perlu melahirkan individu - apa yang digelar pekerja berpengetahuan - yang mana dapat memenuhi cabaran abad ini. Dalam hal ini, mandat untuk meningkatkan sistem pendidikan sekarang adalah jelas.

Bagaimanapun, kita tidak boleh hanya menumpukan usaha kita kepada pekerja berpengetahuan semata-mata. Aspirasi kita untuk negara ini menuju lebih jauh daripada penetapan globalisasi. Kita tidak mahu hanya memberi reaksi kepada tekanan luar, tetapi juga untuk membentuk dan menubuhkan sebuah negara yang selaras dengan impian

kita. Kita bukan saja mahu sebuah negara yang berdaya saing dan inovatif, tetapi juga yang harmoni dan bersatu padu.

Kedua-dua harapan ini perlu menjadi landasan bagaimana kita mendekati sistem pendidikan negara. Jika kita serius untuk berdaya saing dan jika kita benar-benar mahu keamanan serta masyarakat yang stabil, kita bukan saja mesti berusaha untuk meningkatkan kualiti penyampaian pendidikan di sekolah, tetapi juga meningkatkan tahap integrasi nasional.

Tahap integrasi dan kefahaman sesama kaum masa kini menjadi satu kebimbangan. Sekolah kini menjadi lebih mono-kaum dengan jumlah pendaftaran bagi pelajar bukan Melayu di sekolah kebangsaan semakin menurun dari semasa ke semasa.

Malah, di sekolah yang terdiri daripada pelbagai kaum dan universiti, budaya 'klik' satu-satu bangsa telah menjadi lumrah. Pasti, amalan ini akan menanamkan elemen salah faham dan tidak percaya sesama bangsa pada masa depan.

Sekiranya budaya ini diteruskan, kita akan mula berpisah, dengan persamaan yang tidak ikhlas antara satu sama lain dan hanya sege-lintir yang mempunyai hubungan jujur bagi mengikat kita bersama dalam usaha menuju ke arah wawasan yang serupa.

Sesungguhnya, saya percaya bahawa dalam usaha menjadikan Malaysia lebih cemerlang, kita hendaklah memahami antara satu sama lain. Kita mesti mengakui akan persamaan kita dan bersyukur dengan perbezaan serta kekuatan kita dan dengan cara ini dapat menjadi lebih kuat untuk menghadapi dunia bersama.

47 tahun lalu, siapa yang sangka yang kita dapat berada jauh di sini? Saudara dan saudara, kita mampu bergerak lebih jauh lagi. Bayangkan apa yang kita dapat capai sekiranya setiap kanak-kanak, setiap anak muda, menyedari potensi mereka.

Bayangkan apa yang mampu dicapai negara ini jika kita melaluinya bersama, tanpa mengira bangsa dan keturunan bagi memegang kepentingan bersama demi masa depan negara ini.

Harapan ini bukanlah sesuatu yang tidak mungkin tercapai. Dengan usaha yang betul, dengan daya politik dan usaha orang ramai dan dengan sumber yang mencukupi, kita dapat mencapai aspirasi kita untuk menjadi sebuah negara yang dinamik dan "pelbagai dalam abad ke-21.

Kita berkumpul pada hari ini untuk membincangkan bagaimana kita dapat mencapai semua harapan itu. Dengan kehadiran famai ahli fikir dalam bidang ini, saya tidak nafikan yang kita mampu mengenal pasti beberapa penyelesaian atau kaedah untuk memperbaikinya.

Bagaimanapun, saya ingin mengambil kesempatan ini untuk berkongsi sama pandangan saya dalam hal ini. Saya sudah pun bercakap panjang lebar mengenai keperluan untuk memastikan kualiti dan meningkatkan integrasi kaum sebagai mandat berganda bagi sistem pendidikan kita. Berdasarkan objektif ini, saya percaya ada dua strategi utama yang perlu kita lakukan.

Sebagai permulaan, kita perlu melakukan perubahan penting dan meningkatkan langkah bagi menjadikan sekolah kebangsaan sebagai sebuah 'sekolah pilihan', dengan mem-

lihara kedudukan sekolah jenis kebangsaan hari ini.

Kita perlu melakukan sesuatu terhadap kebimbangan ibu bapa mengenai kualiti sekolah kebangsaan dan berusaha untuk memulihkan semula kelemahan itu supaya ibu bapa senang untuk menghantar anak mereka ke sekolah yang terdiri daripada pelbagai bangsa dan berkualiti tinggi.

Sekolah kebangsaan sepatutnya menjadi pendahulu dalam menyediakan landasan bagi kemahiran asas dan pengetahuan serta menerapkan toleransi dan kefahaman sesama kaum.

Satu daripada kebimbangan besar adalah kualiti pengajaran di sekolah kebangsaan. Profesion guru tidak lagi dipandang tinggi sebagaimana sebelum ini. Perkara ini adalah sesuatu yang menyedihkan. Saya pastinya tidak akan berada di sini hari ini kalau bukan kerana beberapa guru yang telah mendidik dan memberi semangat kepada saya untuk melakukan yang terbaik.

Kejayaan anak muda Mta banyak bergalung kepada kualiti guru mereka. Untuk itu, kita perlu berusaha secara serius dan merancang bersama bagi meningkatkan sistem pendidikan dengan melipat ganda motivasi serta memperbaiki kedudukan bidang perguruan.

Beberapa perkara perlu dikaji semula seperti pengambilan guru, latihan, proses promosi, faedah dan suasana kerja. Dalam hal ini, saya menyipkong penumpuan yang diberikan menteri pelajaran untuk membaiki bidang perguruan dan melihat ia sebagai satu keutamaan kerajaan.

Di samping itu, perkara lain yang perlu dilihat adalah perkara yang diperuntukkan dalam mata pelajaran yang dinilai tinggi untuk asas budaya dan agama. Antara yang menjadi pilihan kepada sekolah virukular dan sekolah agama adalah tanggapan di mana ada sesetengah mata pelajaran tidak diajar dengan baik atau tiada penekanan yang diberikan di sekolah kebangsaan.

Persepsi ini hendaklah dibetulkan semula. Sebagai permulaan, saya ingin melihat kualiti yang tinggi bagi mata pelajaran Bahasa Mandarin, Tamil atau Arab diajar di semua sekolah kebangsaan dan menjadikan ia sebagai satu pilihan asas kepada setiap pelajar tanpa mengira bangsa mereka.

Saya percaya bahawa mempelajari bahasa ibunda kita adalah penting, tetapi kita semua hendaklah mula melihat bahasa sebagai ilmu yang penting dan sebagai pelaburan kepada dunia globalisasi. Kita juga perlu mengukuhkan pendidikan Islam dan moral di sekolah kebangsaan supaya dapat menerapkah nilai penting di kalangan generasi muda kita.

Pelancaran projek perintis 'j-QAF' baru-baru ini adalah satu langkah yang baik. Melalui program ini, pengajaran dan kokurikulum Pendidikan Islam ditingkatkan ke arah meningkatkan celik Bahasa Arab serta pemahaman bagi al-Quran. Dengan cara ini, Pendidikan Islam tidak lagi tertumpu kepada penghafalan, tetapi lebih kepada pemahaman pengajaran al-Quran.

Kokurikulum juga adalah satu bidang yang perlu diberi perhatian. Tumpuan kepada pembelajaran akademik bukan saja mewujudkan masyarakat yang berorientasikan peperiksaan, malah melahirkan individu yang sempit pemikiran.

Kita perlu pulihkan semula aktiviti kokurikulum yang menarik dan mencabar di sekolah. supaya anak muda kita akan menjadi lebih serba kebolehan dan memiliki perspektif yang lebih baik terhadap kehidupan.

Saya percaya bahawa adalah amat penting untuk kita meningkatkan lagi perpaduan dan integrasi kaum di sekolah. Ada sedikit kebimbangan kerana sekolah dikatakan tidak mencerminkan ciri-ciri dan semangat Malaysia sebagai sebuah negara pelbagai kaum dengan sepenuhnya.

Kita perlu menambahkan jumlah guru, guru besar dan pengetua yang bukan berbangsa Melayu. Adalah amat penting juga untuk kita memastikan supaya guru lebih peka dan memiliki kesedaran terhadap tuntutan dan sensitiviti masyarakat pelbagai kaum.

Kita juga perlu memberikan lebih banyak ruang dan peluang untuk masyarakat pelbagai kaum ini bercampur gaul seperti mewujudkan program sekolah berkembar di mana warga sekolah kebangsaan dan sekolah jenis kebangsaan berkumpul bersama dan berinteraksi dalam aktiviti sukan atau kegiatan kokurikulum lain.

Kita mesti menggalakkan remaja kita untuk mengambil bahagian dalam usaha pengintegrasian ini dengan memastikan bahawa usaha itu adalah menyeronokkan dan mampu me-

narik minat dan perhatian generasi muda hari ini.

Untuk itu, kita perlu mengenai pasti kegiatan yang sememangnya gemar dilakukan oleh golongan muda dan menggunakan kegiatan itu sebagai landasan untuk menggalakkan mereka berinteraksi antara sesama kaum.

Satu contoh ialah 'program e-integrasi', satu projek permulaan yang menggalakkan pelajar dan sekolah kebangsaan dan sekolah jenis kebangsaan untuk berinteraksi antara satu sama lain melalui permainan komputer yang direka khas berteraskan tema perpaduan kaum.

Matlamat amnya ialah untuk memastikan mereka mula berinteraksi antara satu sama lain secara maya dan kemudiannya berjumpa untuk mengukuhkan semangat berpasukan yang telah mereka bina melalui permainan komputer itu.

Projek peringkat permulaan ini yang membabitkan 60 sekolah di Pulau Pinang dijadualkan bermula tahun ini dengan pembiayaannya ditanggung oleh 'demonstrator application gram scheme' (DAGS). Ini adalah, satu contoh bagaimana teknologi boleh digunakan



"Program e-integrasi, satu projek permulaan yang menggalakkan pelajar sekolah kebangsaan dan jenis kebangsaan untuk berinteraksi melalui permainan komputer yang direka khas berteraskan tema perpaduan kaum"

secara inovatif untuk mencapai matlamat sosial. Usaha sebegini seharusnya terus digalakkan dan dicontohi.

Ada banyak aspek lain yang turut perlu diberikan perhatian, tetapi secara dasarnya, adalah amat penting untuk kita terlebih dulu menyempurnakan sekolah kebangsaan. Ini penting untuk memastikan bahawa bukan saja pendidikan asas yang baik mampu diberikan, malah perpaduan bangsa juga akan dapat dipupuk.

Matlamat untuk menjadikan sekolah kebangsaan sebagai sekolah pilihan semua sememangnya memerlukan perubahan sikap dan minda semua masyarakat; tetapi saya percaya yang ia akan memberikan manfaat kepada kita semua dalam tempoh jangka masa panjang.

Adalah menjadi harapan saya supaya semua ibu bapa, tenaga pengajar dan pihak yang terbabit akan membantu untuk menjadikan impian ini satu kenyataan.

Strategi kedua saya bawa ialah untuk memulakan usaha bagi mewujudkan institusi pengajian tinggi bertaraf dunia sejajar dengan usaha untuk melahirkan graduan bertaraf dunia. Universiti atau kolej bertaraf dunia adalah penting bukan saja untuk melahirkan tenaga kerja yang berdaya saing, tetapi juga dalam melahirkan warga Malaysia yang akan menyumbang kembali kepada negara

Universiti perlu kemas kini kursus

• DARI MUKA 10

Sebagai langkah permulaan, kita perlu sentiasa menilai dan menanda aras kualiti institusi pengajian tinggi bermula dengan universiti awam. Sepatutnya, kita sudah lama mewujudkan satu sistem di mana kita boleh menilai dan membandingkan prestasi universiti awam di negara ini berdasarkan kriteria seperti kualiti pengajaran, penyelidikan infrastruktur, kepuasan hati pelajar dan potensi graduan untuk mendapatkan pekerjaan.

Selain menjadikan Universiti awam lebih telus, persaingan sihat antara universiti ini juga akan dapat dijadikan dorongan yang akan melahirkan sistem pengajaran, kursus dan penyelidikan yang lebih baik. Selain itu, keputusan daripada penilaian prestasi universiti ini boleh dijadikan kayu pengukur yang akan menentukan jumlah pembiayaan kerajaan yang akan diberikan kepada universiti ini, yang boleh dilihat sebagai insentif tambahan kepada peningkatan kualiti.

Kita juga perlu mewujudkan satu jalinan kerjasama antara dunia akademik dan industri supaya graduan yang dilahirkan cukup terlatih dan bersedia untuk menghadapi dunia pekerjaan dan penyelidikan yang dijalankan juga selari dengan keperluan pasaran semasa.

Institusi pengajian tinggi mesti mengambil inisiatif untuk mengemaskinikan kursus mereka serta meningkatkan jumlah penempatan pelajar bagi latihan industri dengan mengadakan dialog bersama pihak yang berkenaan.

Sam mekanisme juga perlu diwujudkan untuk memastikan pembabitan atau pelaburan sektor swasta dalam kerja penyelidikan yang dijalankan di universiti, dapat ditingkatkan melalui kewujudan pusat penyelidikan yang ditaja syarikat tertentu.

Institusi pengajian tinggi juga perlu mewujudkan satu sistem sokongan yang akan dapat membantu memasarkan graduan mereka. Panduan kerjaya dan kerjasama dengan pihak industri masih lagi di tahap minimum di Malaysia.

Ini tidak sepatutnya terjadi kerana tanggungjawab universiti terhadap pelajarinya tidak berakhir apabila mereka telah menerima segulung ijazah. Universiti juga perlu menumpang megah dan prihatin terhadap prestasi graduan mereka setelah tamat pengajian. Sehubungan itu, hubungan rapat dengan pihak industri dan alumni adalah sangat penting.

Hakikatnya, pendidikan formal tidak berakhir apabila kita tamat persekolahan atau pengajian tinggi. Ilmu-ilmu baru dalam pelbagai bidang lahir secara berterusan. Untuk itu, rakyat Malaysia seharusnya sentiasa berusaha untuk meningkatkan ilmu dan kemahiran mereka, baik secara formal ataupun di tempat kerja. Budaya pembelajaran sepanjang hayat dan keghairahan untuk menuntut ilmu perlu kita semaikan.

Pastinya, pembelajaran rasmi tidak akan berhenti apabila kita tamat sekolah atau pendidikan tinggi. Ilmu baru sentiasa dihasilkan. Rakyat Malaysia hendaklah terus meningkatkan kemahiran dan pengetahuan mereka, di institusi rasmi dan juga di tempat bekerja. Budaya pembelajaran sepanjang hayat dan minat yang mendalam kepada ilmu hendaklah disemai.

Kita akui akan perlunya untuk meningkatkan sistem pendidikan kita dan kita juga setuju akan hala tuju yang perlu diambil. Pada masa sama, saya rasa kita juga sedar betapa besar dan rumit usaha ini. Semua orang mempunyai pandangan masing-masing dalam bidang pendidikan; tetapi adalah penting untuk melihat perspektif yang lebih luas untuk bergerak ke hadapan.

Kita tidak boleh membenarkan segelintir perbezaan untuk melembabkan pelaksanaannya. Apa pun, saya amat serius dalam meningkatkan kualiti bagi sistem pendidikan kita.

Untuk itu, dan sebagai langkah pertama, saya telah mengasingkan portfolio pendidikan kepada dua kementerian iaitu Kementerian Pelajaran dan Kementerian Pengajian Tinggi.

Jurang bagi kualiti dan perpaduan nasional adalah isu yang perlu ditangani dengan segera dan kerana itu, saya mahu kedua-dua menteri ini mencurahkan segala-galanya dan memberi penumpuan kepada fokus yang lebih kecil tetapi sama pentingnya.

Pastinya, kedua-dua kementerian berkenaan hendaklah memahami objektif masing-masing dan mempunyai jalinan kerjasama yang erat bagi memastikan kekukuhannya.

Satu daripada perkara pertama yang saya minta daripada rakyat Malaysia sebaik saja menjadi Perua Menteri adalah bagi anda untuk bekerja bersama saya. Kerajaan saja tidak dapat meningkatkan sistem pendidikan kita. Jangan sesekali merasakan bahawa sistem pendidikan hanya terletak di dalam perkarangan sekolah atau birokrasi Kementerian Pelajaran.

Sistem pendidikan kita turut merangkumi peranan ibu bapa, sokongan masyarakat setempat, sinergi daripada kesediaan sektor swasta, kesedaran yang perlu diwujudkan daripada kesediaan pihak media dan sebanyak mana sumbangan daripada rakyat Malaysia yang sudah berjaya terhadap sekolah dan universiti.

Saya mahu kedua-dua Menteri Pelajaran dan Pengajian Tinggi untuk memulakan proses penyuburan semula dengan mengetuai dan menjadi penyelarasi bagi usaha negara untuk mengukuhkan sistem pendidikan kita. Berikan rakyat Malaysia satu perasaan 'memiliki' sekolah dan universiti mereka.

Jadikan mereka sebagai golongan yang mengambil berat terhadap sekolah masing-masing dan tidak hanya beralih kepada kerajaan untuk bantuan. Jadikan pendidikan sebagai sesuatu yang diutamakan oleh badan bukan kerajaan (NGO) dan setiap individu. Jadikan setiap, rakyat Malaysia sebagai peserta kepada proses ini.

Saya serahkan kepada Datuk Hishammuddin (Hussein) dan Datuk Dr Shafie (Salleh) bagaimana mereka mahu melaksanakan usaha ini.

Apa yang penting adalah kita bekerjasama kearah harapan yang sama, aspirasi yang sama dan wawasan yang sama bagi masa depan generasi muda dan negara. Dengan menjadikan sekolah kebangsaan sekolah pilihan, dengan menjadikan universiti tempatan sebagai institusi bertaraf dunia, saya percaya kita akan mencapai impian Malaysia yang berdaya saing dan berpadu. Saya harap kita semua dapat bekerjasama bagi menggerakkan usaha murni ini.